

Na osnovu Zakona o igrama na sreću (Službene novine FBiH broj: 48/15, 60/15) i Pravilnika o sadržaju pravila, uslovima i načinu priređivanja nagradnih igara PERUTNINA PTUJ - BH d.o.o. Breza, Ul. Potkrajaska bb. 71370 Breza, ID BROJ: 4200929390001, PDV BROJ: 200929390001 donosi sljedeća:

PRAVILA NAGRADNE IGRE
« POLI SLAVI POLA VIJEKA, SJAJNA NAGRADA NA TEBE ČEKA »

Član 1

Organizator

Nagradnu igru pod nazivom „POLI SLAVI POLA VIJEKA, SJAJNA NAGRADA NA TEBE ČEKA“ (u daljem tekstu nagradna igra) organizira i provodi Organizator – PERUTNINA PTUJ-BH d.o.o. Breza, Ul. Potkrajaska bb. 71370 Breza, ID BROJ: 4200929390001, PDV BROJ: 200929390001 (u daljnjem tekstu: Organizator).

Član 2

Trajanje i svrha nagradne igre

Nagradna igra se provodi isključivo za promotivne svrhe Poli salame. Nagradna igra traje od 20.03.2024. godine do 30.04.2024. godine na svim prodajnim mjestima na području Federacije Bosne i Hercegovine gdje je zastupljen asortiman Poli salama.

Član 3

Područje organiziranja i provođenja nagradne igre

U nagradnoj igri sudjeluju sve fizičke osobe sa prebivalištem ili boravištem u BiH.

Član 4

Fond nagrada

Fond nagrada sastoji se od:

| Nagrade | Komada | KM/Kom | Iznos bez PDV-a | PDV | Ukupno sa PDV |
|------------------------------|---------------|------------------|------------------------|-----------------|----------------------|
| Putovanje po izboru | 1 | 10.000.00 | 10.000.00 | 1.700 | 11.700.00 |
| Apple iPhone 15 128GB Black | 2 | 1.699.02 | 3.399.04 | 577.66 | 3.976.70 |
| Bežični usisivač Dyson V11 | 2 | 1.039.02 | 2.078.04 | 353.26 | 2.431.30 |
| Uvijač za kosu Dyson Airwrap | 2 | 937.01 | 1.874.02 | 318.58 | 2.192.60 |
| Playstation 5 | 2 | 919.02 | 1.838.04 | 312.46 | 2.150.05 |
| Poklon paket Poli | 25 | 18,09 | 452.25 | 76.75 | 529.00 |
| Ukupno | 28 | 14.612.16 | 19.641.39 | 3.338.71 | 22.979.65 |

Napomena na nagradu „Putovanje po izboru“:

„Putovanje u vrijednosti 10.000 KM uključuje karte za prevoz do destinacije i hotelski smještaj, aerodromske takse. Nakon uručivanja vaučera, odgovornost preuzima Agencija preko koje se aranžman provodi. Trošak vize na putovanja za

koja je potrebna viza, snosi korisnik putovanja. Ukoliko je trošak putovanja iznad vrijednosti 10.000 KM, trošak snosi korisnik putovanja. Ukoliko je vrijednost iskorištenog putovanja manja od 10.000 KM, agencija je dužna da kroz fakultativne izlete izjednači razliku. Vaučer za putovanje se mora iskoristiti do 31.12.2024. godine. Ukoliko je maloljetno lice pratnja, roditelji ili pratnja snose odgovornost za njega do kraja korišćenja nagrade“.

Ukupna vrijednost nagradnog fonda iznosi **22.979,65** KM sa PDV-om i na tu će vrijednost organizator nagradne igre uplatiti 6% i to ravnomijerno po 1,5 % u korist Crvenog krsta, Caritasu, Merhametu MDD i Dobrotvoru.

Član 5

Način sudjelovanja u nagradnoj igri

Sudionik može sudjelovati u nagradnoj igri tako da na bilo kom prodajnom mjestu na području Federacije Bosne i Hercegovine kupi minimalno dvije Poli salame, bilo koje gramaže, u periodu od 20.03.2024. godine do 30.04.2024. godine i da broj fiskalnog računa (BF) sa podacima (ime i prezime, adresa, broj telefona) pošalje putem web stranice www.poli.ba

Sudionik može sudjelovati u nagradnoj igri više puta. U izvlačenje za nagrade ulaze svi računi nastali u periodu trajanja nagradne igre.

Svaka osoba može primiti i više nagrada, samo je bitno da redovno šalje račune putem web stranice predviđene za nagradnu igru.

Član 6

Izvlačenje dobitnika

Izvlačenje nagrada provest će se po završetku trajanja nagradne igre na adresi Organizatora pod nadzorom tročlane komisije Organizatora koja će nadgledati regularnost izvlačenja nagrada.

Izvlačenje nagrada obaviti će se u poslovnim prostorijama Organizatora na adresi Potkrajaska bb, 71370 Breza, dana 15.05.2024. godine u 15 sati, na kojem će prisustvovati tročlana komisija kako bi se osigurala ravnopravnost učesća i jednaka mogućnost dobitka svih učesnika.

Izvučeni dobitnici koji ne ispunjavaju uslove iz ovih pravila nagradne igre neće se uzimati u obzir niti će se objavljivati imena tih dobitnika, a isti će se posebno zapisnički utvrditi.

Dobitniku će na prijavljeni broj telefona biti poslana poruka o dobitku s molbom za slanje ličnih podataka (ime i prezime, tačna poštanska adresa) za potrebe dostave nagrade. Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

Ukoliko dobitnik unutar 10 dana od dobivanja obavijesti o slanju ličnih podataka za dostavu nagrade iste ne pošalje, izgubit će pravo na nagradu i ona neće biti podijeljena, a u tom slučaju Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

Nakon izvlačenja napraviti će se zapisnik koji ostaje u arhivi društva. Isti će se na bilo koji zahtjev nadležnih organa dostaviti na uvid.

Član 7

Dostava nagrada

Nagrade će biti poslane na poštansku adresu dobitnika preporučenom poštom unutar 30 dana od poslane obavijesti o dobitku ili lično uručene na adresi dobitnika.

Član 8

Pravo sudjelovanja

U nagradnoj igri mogu sudjelovati sve fizičke osobe sa stalnim prebivalištem ili boravištem u Bosni i Hercegovini koji prihvataju pravila sudjelovanja.

U nagradnoj igri ne smiju sudjelovati osobe koje neposredno rade na pripremi i izvedbi nagradne igre (uposlenici u službi marketinga Perutnine Ptuj-BH d.o.o).

Član 9

Odgovornost

Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice. Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

Član 10

Sudionici/saglasnost s pravilima

Sudionici koji sudjeluju u nagradnoj igri nemaju pravo zahtijevati drugačije nagrade ili u većim količinama od onih koje su navedene u ovim Pravilima. Nagrade se ne mogu zamijeniti za novac ili neku drugu vrstu nagrade. Sudjelujući u ovoj nagradnoj igri, sudionici prihvataju ova Pravila.

Član 11

Pogrešne i neregularne prijave

Pogrešne i nepotpune prijave nevažeće su i ne daju sudioniku pravo ni na kakvu nagradu (npr. bez važećeg računa, ako nedostaje ime i prezime, bez navedenih kontakt podataka za slanje nagrade), takve će se smatrati nevažećim te Organizator neće snositi nikakvu obavezu prema sudioniku.

Član 12

Korištenje prijavljenih ličnih podataka sudionika i publicitet

S prijavom za sudjelovanje u nagradnoj igri i prihvatanjem pravila nagradne igre, sudionik dozvoljava Organizatoru prikupljanje, obradu i čuvanje ličnih podataka (broj telefona, od dobitnika nagrada ime i prezime i poštanska adresa).

Organizator će lične podatke sudionika koristiti za:

- provedbu nagradne igre
- komunikaciju za vrijeme i nakon trajanja nagradne.

Organizator će lične podatke dobitnika (broj telefona, ime i prezime, poštanska adresa) koristiti za:

- provedbu nagradne igre
- obavještanje o rezultatima nagradne igre
- slanje nagrada
- objavu dobitnika na www.poli.ba
- komunikaciju za vrijeme i nakon trajanja nagradne igre sve do njegove odjave.

Sva komunikacija s dobitnikom (za vrijeme i nakon završetka nagradne igre) provodit će se preko prijavljenog broja telefona.

Svi prijavljeni sudionici nagradne igre od Organizatora u bilo kojem trenutku mogu zahtijevati prestanak korištenja njihovih ličnih podataka.

Ukoliko sudionik nagradne igre prije završetka iste traži blokiranje ili brisanje ličnih podataka, time se odriče sudjelovanja u nagradnoj igri.

Organizator je odgovoran za obradu ličnih podataka u skladu sa propisima o zaštiti ličnih podataka.

Član 13

Porezi

Dobitnik ne snosi nikakve poreze, obaveze ili naknade direktno povezane s nagradama. Organizator će izvršiti plaćanje pripadajućih poreza (poreza na dohodak na nagradu) ostvarenu učešćem u nagradnoj igri u skladu sa važećim zakonskim propisima.

Član 14

Pravila nagradne igre

Pravila nagradne igre bit će objavljena prije početka nagradne igre na Internet stranici www.poli.ba, a mogu se dobiti na uvid u prostorijama Organizatora, i bit će objavljeni na Facebook stranici Ludi za POLI i u jednom dnevnom listu.

Član 15

Maloljetnici

Prema Zakonu maloljetnici mogu biti dobitnici nagrada i primiti osvojenu nagradu prema zakonom propisanim uslovima, tj. ukoliko su skrbnici maloljetnog dobitnika prihvatili nagradu umjesto maloljetnog dobitnika te ukoliko se slažu s Pravilima nagradne igre.

Član 16

U slučaju spora

Sve žalbe, prigovore i reklamacije rješava Organizator nagradne igre. U slučaju opravdanih pritužbi, Organizator se obavezuje da će ih otkloniti u najkraćem mogućem roku i obavijestiti učesnika.

Svi eventualni sporovi između Organizatora i učesnika odnosno dobitnika rješavaće se sporazumno.

U slučaju spora između Organizatora i sudionika nagradne igre bit će nadležan Općinski sud u Visokom.

Član 17

Objava dobitnika

Dobitnici u nagradnoj igri bit će objavljeni na Internet stranici www.poli.ba najkasnije 15 dana od dana izvlačenja, i na Facebook stranici Ludi za POLI i u jednom dnevnom listu.

Član 18

Prekid nagradne igre

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija. Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre. 4) Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

Broj: 193/24

Datum: 27.02.2024. godine

Za PERUTNINA PTUJ – BH d.o.o. Breza
